

Enformaziuns y Comunicaziuns




Ores d'adoraziun: En domëgna él Pasca de Má y al sará porchël endó les ores d'adoraziun. Sides en domëgna co ince en Lönesc de Pasca de Má sarál por düc öna na ora d'adoraziun, dan la gran mëssa, dagnora dales 9:00 ales 10:00.

Mësses: Con cöst'edema gnarál endó tigní te dlijia ince les Mësses y la Corona ia por l'edema. La jont podará tó pert ales funziuns, olache i periun ciamó en iade da tigní ete les mosöres de sügherté, por nosc bën y por chël dai atri: chi co vën a mëssa mëss avëi le mascherot co stopa nes y bocia, y mëss se dejinfeté les mans dan mëssa (al sará la poscibilité dan porta). Les porsones pó ete öna al iade da gran üsc ete y é periades da tigní na destanza de almanco 1 meter (1,5 metri da jí ala Comegnun). Porsones dla medema familia pó sambën sté deboriada te proca. Iolan a düc. Les funziuns sará a vigne moda dagnora ince da aldí tal Radio de Ploania.

Laé la dljia: En gran iolan a dötes les porsones co é gnüdes a daidé laé la dljia, iolan ala Raiffeisen por l'ega y soradöt a Mali, co organisëia belo da trec agn encá.

Ploan: Signor Ploan á na misciun e-mail nea, co é klsottsas@rolmail.net. Por les comunicaziuns söla plata val ennant la mail ploaniaalplan@gmail.com



Lösung: Bist du zu Hause?



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann A 24.05.2020 - Festa dl'Ascensiu dal Signur - Palsacrusc nr. 26

Iu sun con os, düc dis cina ala fin dal monn!



Dal Vagnele do San Mateo 28, 16-20

Te chël tomp ¹⁶é i önesc discepuj jüs tla Galilea sön chë munt che Gejú ti á dit. ¹⁷Y canch'ai á odü Gejú, s'ái enlené dan da d'ël. Mo valgügn dubitâ. ¹⁸Danló ti é Gejú jü pormez y ti á dit: A me m'él dé döta la potesté tal cí y söla tera. ¹⁹Porchël jide da düc i popui y fajede fora de döta la jont mi discepuj; bacedi tal ennom dal Pere y dal Fi y dal Spirit Sant, ²⁰y ensignedi da osservé döt ci ch'i ves á dé sö. Ciarede: Iu sun con os, düc i dis cina ala fin dl monn. **Parora dal Signur. Lalt a te Gejú Crist!**



Co jarára pa ennant?



Ciarede: Iu sun con os, düc i dis cina ala fin dal monn. Cöstes é les ultimes parores de Gejú tal Vagnele de Mateo. Do la mort y la ressureziun, do che al ti é aparí plü iadi ai discepuj, él Gejú co tol comié da d'ëi y vá sö a cí. I mo emponsi ch'al ará pa bën sontí les malsüghertés y les têmes dai discepuj te cösc momont. Co jarára pa ennant? Gejú dá atló döes respostes.

Emproma assügherëiel i discepuj dijenn che al ne i lasciará mai susc. Y al ti damana da nia sté chic, mo da encündé la fede te döt le monn, da bacé la jont. Feter 2.000 agn dedó crëii che al s'ái müdé püch te cösta situaziun. Co jarára pa ennant? Cösta é na domanda che trec se fej, sce ai ti ciara ala situaziun dla Dlijia. Le numer de chi co stá ete por la fede vá tres plü zoruch. Rassegnaziun é atló na tontaziun concreta. Mo ince encö val les parores de Gejú: le empormotüda che al ne se lasciará mai susc y l'ejortaziun da encündé la fede sora döt le monn. A d'Ël ti él dé döta la potesté tal cí y söla tera. Na empormotüda plü sterscia ne podunse nia avëi. Na empormotüda sterscia por na gran misciun: ti porté la fede ala jont, ince danter les delujiuns y i segnai co vá d'en ater vers. Forza y coraje: Jun!



Michael Tillmann

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org

Edema liturgica dai 24.05. ai 31.05.2020		
DOM 24.	GRAN FESTA DL'ASCENSIUN DAL SIGNUR PALSACRUSC De mondial dai mesi de comunicaziun soziai De mondial d'oraziun por la dlijia tla Cina 08:30 S.M. a La Pli 9:30 Corona 10:00 Gran Mëssa S.M. por +nt Lois Ties - +nc' Maria y Josef Kosta +nta Loise Maneschg, +nta Hermine Pallhuber – Rubatscher +nta Hedwig Bergmeister - Kaneider	<i>Ester, Dagmar</i> LAD
Lön 25.	<i>Beda, Gregor VII., Maria Magdalena da Pazzi</i> 7:30 S.M. por +nta Lidwina Promberger – Maria y Clara Trebo de Pire Klara Hochwieser Socherle, Anna Trebo Tavella, Hans Werth y +nc' de Paul Werth de Ghedl Angelo Ploner dal Flô, por les Püres Animes	DEU
Ded 26.	<i>Filip Neri, Maria Anna</i> 19:30 Corona	
Dem 27.	<i>Augustin da Canterbury, Bruno</i> Vijita personala te dlijia y cortina	
Jöb 28.	<i>German, Wilhelm</i> Vijita personala te dlijia y cortina	
Ven 29.	<i>Paolo VI., Sisinus, Martyrius y Alexander</i> 7:30 S.M. por +nt Angelo Ploner dal Flô, por les Püres Animes Aniv. por +nta Viktoria Huber +nta Ida Pisching de Candido +nc' Franz y Paula Kastlunger dal Medo 15:00 Corona con Elvira	LAD
Sab 30.	<i>beat Otto Neururer, Ferdinand</i> 18:00 S.M. por +nt Paul Pitscheider - +nta Mima Ties La Bronta +nc' Lois y Pepi Castlunger dal Surt +nta Monica Erlacher – Maria Mutschlechner	ITA
DOM 31.	GRAN FESTA DE PASCA DE MA 08:30 S.M. a La Pli 9:00 – 10:00 Ora de adoraziun por la festa 10:00 Gran Mëssa por dõta la Pioania Aniv. por +nt August Ties - Stefan Vollmann - Carlo Sorbatelli +nta Maria Daverda – Maria Comploi – Maria y Lejio Complojer +nt Silvester Peslalz - +nc' dla Fam. Piazza Albin v Teresa	<i>Petronila, Metilde, Aldo</i> LAD

Ascensiun dal Signur - Gejú é nanter nos te na manira nea

Le Signur vëgn endô.

Con l'Ascensiun n'á le Signur nia lascé susc i sü.

Al é nanter nos presént tla dlijia y te nos, ince sëgn tal tomp dal Coronavirus. Le Crist jü al Pere n'é nia dalunc, mo atló por i sü. La festa da encö nes dij ince:

I apostui dess ciaré ennant. Con la presënza de Gejú te nos sunse liés a na misciun:

I sun sü testimoni. Ensciö nes dál na enciaria a valch de gran, desco al á belo fat ai apostui.

Cösta enciaria miscionaria mët man vigne de tla relaziun con le proscim. San Paul amonësc: "Astilësse bun, aéde misericordia, pordenësse nanter os, ciodi che ince le Signur ves pardona tres Crist." Ensciö pó le rëgn de Dio gní visibl.

Y i dësson avëi la odlada verscio l'alt. Ciaré al Ci á tres danö porté forza y speranza ala jont.

Le Signur gnará endô y nes condüjará a ciasa.

Sce na porsona sá, por ci che ara vir, ci meta che söa vita á, fajarára plö saori da afronté les ries situaziuns sonza tralascé i laurs da vigne de. La fede a na meta eterna pó renforzé la jont a fá dal bëgn por i püri y debli dla sozieté.

Tal Vagnele aldiunse che i discepui é jüs derevers a Jerusalem plëgns de ligrëza.

Ai ea ligri, ciodi che ai á capí da ester al sorvisc de na bona noela, na noela vitoriosa.

Encontonc êsai ince por ester menês ala jont a dé testimonianza de Gejú.

Le dagní dal rëgn de Dio é motü tles mans dai discepui y ensciö ince te nostes mans.

En test conesciü dij: "Le Signur n'á degönes


mans, por söa misciun al de da encö. Nos

sun la sora Bibia, che le publich lii ciamó.

Nos sun l'ultima noela de Crist scritta tai fac y tles parores." pr

Oraziun dal de

Periun, Dio onipotënt y etern, con l'assënza de to Fi aste ince enalzé la porsona umana a gran dignité: emplësc de ligrëza y reconescionza nüsc cörs, y scínchesse na crëta sterscia che ince nos gnunse cherdés te chël post de gloria olache Gejú nes é jü danfora, èl co é Dio y vir y regnéia con te, tal unité dal Spirit Sant, por duc i secui di secui. Amen.



Die Himmelfahrt Christi ist untrennbar mit seinem Missionsbefehl verbunden, wie ihn der Evangelist Matthäus schildert. Mit der Aufforderung Jesu an die Jünger, zu allen Menschen zu gehen und sie zu taufen. Aus gutem Grund: Denn die Taufe holt für jeden einzelnen Menschen ein Stück des Himmels auf die Erde. Die Taufe prägt uns ein himmlisches Zeichen ein: Du, der du getauft bist, du bist vom Himmel und wirst zum Himmel zurückkehren.